



## TAJUK KHUTBAH JUMAAT

Siri: 3/2025

### MANFAATKAN CUTI SEKOLAH DENGAN PERKARA BERFAEDAH

**17 Januari 2025**

*Bersamaan*

**17 Rejab 1446**

DIKELUARKAN OLEH:

**JABATAN HAL EHWAL AGAMA  
TERENGGANU**

**PERINGATAN:**

Adalah diingatkan bahawa sebarang penambahan dan pemindaan terhadap isi kandungan teks khutbah yang telah disediakan oleh Jabatan Hal Ehwal Agama Terengganu adalah **DILARANG**.

Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

## **5 RUKUN KHUTBAH**

1. Memuji Allah SWT
2. Selawat Ke Atas Nabi Muhammad SAW
3. Berpesan supaya bertaqwa kepada Allah
4. Membaca Satu Ayat Al-Quran yang lengkap lagi jelas maknanya
5. Doa Kepada Orang Beriman Dalam Khutbah Kedua

**Khatib hendaklah menyampaikan semua rukun-rukun khutbah dalam bahasa Arab walaupun ia tidak difahami oleh para Jemaah.**

## **KHUTBAH PERTAMA**

### **الْخُطْبَةُ الْأُولَى**

**الْحَمْدُ لِلّٰهِ الَّذِي بِنِعْمَتِهِ تَتَمُّ الصَّالِحَاتُ.**

RUKUN

**أَشْهَدُ أَنْ لَا إِلَهَ إِلَّا اللّٰهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّداً عَبْدُهُ  
وَرَسُولُهُ.**

**اللّٰهُمَّ صَلِّ عَلَى سَيِّدِنَا مُحَمَّدٍ، عَبْدِكَ وَرَسُولِكَ الْكَرِيمِ،**

RUKUN

**وَعَلَى آلِهِ وَصَاحِبِهِ وَسَلِّمْ تَسْلِيمًا كَثِيرًا.**

**أَمَّا بَعْدُ، فَيَا عِبَادَ اللّٰهِ،**

**اتَّقُوا اللّٰهَ تَعَالٰى فِي أَنفُسِكُمْ قُوّا وَعَمَلاً، وَتُوبُوا إِلَيْهِ حَمِيعًا لَعَلَّكُمْ**

RUKUN

**تُفْلِحُونَ.**

**Sidang Jumaat yang dirahmati Allah sekalian,**

Marilah sama-sama kita meningkatkan ketakwaan kepada Allah SWT dengan bersungguh-sungguh melaksanakan segala perintah-Nya, dan juga bersungguh-sungguh meninggalkan segala larangan-Nya.

Ingartlah, hanya dengan bertakwa kepada Allah SWT, setiap manusia akan memperoleh rahmat untuk tergolong dalam kalangan hamba-Nya yang berjaya di dunia dan akhirat.

Pada hari Jumaat yang penuh barakah ini, khatib menyeru kepada semua agar dapat memberi tumpuan terhadap khutbah yang bertajuk:

## **MANFAATKAN CUTI SEKOLAH DENGAN PERKARA BERFAEDAH**

### **Sidang Jumaat yang dikasihi,**

Musim cuti sekolah adalah masa yang ditunggu-tunggu oleh anak-anak kita. Saban hari mereka pergi ke sekolah dengan membawa buku-buku dan pulang ke rumah pada waktu petang. Setiap kesungguhan dan penat lelah dalam menuntut ilmu pasti akan dianjari dengan pahala oleh Allah SWT.

Apabila tiba musim cuti sekolah, anak-anak perlu diingatkan agar jangan terus meninggalkan pelajaran. Masa berada di rumah ketika cuti sekolah mestilah dimanfaatkan untuk mengulangkaji pelajaran. Sesungguhnya masa muda perlulah digunakan untuk menimba ilmu pengetahuan.

Pada masa yang sama, anak-anak perlu diberi pesanan bahawa semakin banyak ilmu yang dipelajari, semakin kerdil diri kerana ilmu Allah SWT amat luas umpama lautan yang tidak bertepian.

Allah SWT berfirman dalam surah al-Kahfi ayat 109:

قُلْ لَوْ كَانَ الْبَحْرُ مِدَادًا لِّكَمْتَ رَبِّي لَنْفَدَ الْبَحْرُ  
١٩  
قَبْلَ أَنْ تَنْفَدَ كَمْتُ رَبِّي وَلَوْ جَئْنَا بِمِثْلِهِ مَدَدًا

**Maksudnya:** Katakanlah (wahai Muhammad): Kalaualah semua jenis lautan menjadi tinta untuk menulis kalimah-kalimah Tuhanku, sudah tentu akan habis kering lautan itu sebelum habis kalimah-kalimah Tuhanku, walaupun Kami tambahi lagi dengan lautan yang sebanding dengannya, sebagai bantuan.

## **Sidang Jumaat yang berbahagia,**

Waktu cuti sekolah adalah masa terbaik untuk ibu bapa menjalankan tugas mendidik anak-anak sendiri. Inilah peluang terbaik untuk ibu bapa mendidik anak-anak terutama tentang perkara asas dalam Islam. Lihatlah cara anak-anak berwudhuk, menunaikan solat, dan semaklah bacaan al-Quran mereka.

Peluang untuk membaca al-Quran bersama anak-anak boleh dilakukan ketika cuti sekolah. Mulakanlah dengan membaca ayat-ayat lazim serta membaca terjemahannya untuk dihayati bersama ahli keluarga. Jika perkara ini boleh dijadikan amalan harian, in sha Allah, rumah kita akan terus disinari cahaya keberkatan al-Quran.

Seorang sahabat Nabi SAW bernama Abu Hurairah RA berpesan sepetimana dinukilkkan dalam Musannaf Ibni Abi Syaibah yang maksudnya:

"Rumah yang dibaca di dalamnya al-Quran, akan diberikan kelapangan (keluasan jiwa) buat ahlinya, bertambah kebaikannya dan dihadiri oleh para malaikat."

## **Sidang Jumaat yang dirahmati Allah,**

Masa cuti sekolah juga perlu digunakan untuk mendekatkan anak-anak dan ahli keluarga dengan masjid. Bawalah anak-anak ke masjid terutama untuk solat berjemaah supaya hati mereka akan sentiasa berpaut dengan rumah Allah SWT.

Masjid juga boleh merancang pengisian yang bermanfaat untuk anak-anak. Ceramah agama perlu dikaitkan dengan hal ehwal anak-anak seperti

pengkisahan hidup Rasulullah SAW, hubungan Rasulullah SAW dengan anak-anak kecil , supaya mereka berasa ingin datang ke masjid.

Dekatkanlah diri anak-anak dengan masjid supaya mereka membesar dalam keadaan jiwa yang suka melakukan ibadah. Sesungguhnya salah satu daripada tujuh golongan yang akan mendapat naungan Allah SWT di akhirat nanti ialah:

**شَابٌ نَّشَأَ فِي عِبَادَةِ رَبِّهِ**

**Maksudnya:** Pemuda yang hidupnya taat beribadah kepada Allah SWT.  
(Hadis riwayat al-Bukhari dan Muslim)

### **Sidang Jumaat yang dimuliakan Allah,**

Anak-anak juga boleh dilibatkan dengan aktiviti-aktiviti bermanfaat ketika mereka sedang bercuti sekolah. Aktiviti seperti Kem Pemantapan Solat, Kem Tahfiz Qur'an, Musabaqah Tilawah Qur'an, Pertandingan Azan dan Doa, nasyid dan qasidah, bersukan dan sebagainya wajar disertai oleh anak-anak.

Mereka perlu dilibatkan dengan aktiviti-aktiviti yang boleh menguatkan rohani agar lahir nanti golongan remaja Muslim yang soleh. Jika masa mereka diisi dengan perkara berfaedah, maka kuranglah mereka memegang telefon atau gajet yang melalaikan fikiran serta menghabiskan masa.

Maka peranan ibu bapa sangat penting bagi memastikan anak-anak tidak mengidap ketagihan gajet dan media sosial ketika usia mereka yang masih muda. Mereka perlu sentiasa dinasihati agar tidak leka dengan bermain telefon atau mengadap komputer lebih-lebih lagi apabila masuknya waktu solat.

## **Sidang Jumaat sekalian,**

Anak-anak merupakan amanah Allah SWT kepada kita sebagai ibu bapa. Masa membesar mereka perlu dipenuhi dengan tarbiah Islamiah agar diri terhindar daripada anasir-anasir jahat yang boleh merosakkan pemikiran dan akhlak mereka. Ingatkanlah kepada anak-anak bahawa setiap perbuatan mereka sentiasa dalam pengetahuan Allah SWT.

Justeru, anak-anak perlu sentiasa melakukan perkara-perkara yang baik dan sentiasa dibimbing untuk melakukan kebaikan. Mudah-mudahan masa cuti sekolah mereka dapat diisi dengan perkara bermanfaat, dan akhirnya nanti mereka menjadi anak-anak yang berjaya di dunia dan akhirat.

**أَعُوذُ بِاللَّهِ مِنَ الشَّيْطَانِ الرَّجِيمِ**

**يَبْنِي أَقِمِ الصَّلَاةَ وَأَمْرُ بِالْمَعْرُوفِ وَأَنْهَ عَنِ الْمُنْكَرِ**



**وَاصْبِرْ عَلَىٰ مَا أَصَابَكَ إِنَّ ذَلِكَ مِنْ عَزْمِ الْأَمُورِ**

**Maksudnya:** Wahai anakku, dirikanlah sembahyang, dan suruhlah berbuat kebaikan, serta laranglah daripada melakukan perbuatan yang mungkar, dan bersabarlah atas segala yang menimpamu. Sesungguhnya yang demikian itu adalah dari perkara-perkara yang dikehendaki melakukannya.

(Surah Luqman, ayat 17)

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ.

وَنَفَعَنِي وَإِيَّاكُمْ بِمَا فِيهِ مِنَ الآيَاتِ وَالذِّكْرِ الْحَكِيمِ.

وَتَقَبَّلَ مِنِّي وَمِنْكُمْ تِلَاوَتُهُ إِنَّهُ هُوَ السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِيْ وَلَكُمْ وَلِسَائِرِ الْمُسْلِمِينَ  
وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَاسْتَغْفِرُوهُ إِنَّهُ هُوَ الْغَفُورُ الرَّحِيمُ

## KHUTBAH KEDUA

الْحَمْدُ لِلّٰهِ رَبِّ الْعَالَمِينَ،

RUKUN

وَأَشْهُدُ أَنَّ لَا إِلٰهَ إِلَّا اللّٰهُ وَحْدَهُ لَا شَرِيكَ لَهُ، وَأَشْهُدُ أَنَّ سَيِّدَنَا  
مُحَمَّداً عَبْدُهُ وَرَسُولُهُ.

اللّٰهُمَّ صَلِّ وَسِّلِّمْ وَبَارِكْ عَلَى سَيِّدِنَا مُحَمَّدٍ  
وَعَلَى آلِهِ وَاصْحَابِهِ

RUKUN

أَجْمَعِينَ.

فَقَدْ فَازَ الْمُتَّقُونَ.

RUKUN

مَعَاشِرَ الْمُسْلِمِينَ رَحِمْكُمُ اللّٰهُ،

Wahai hamba-hamba Allah, berbaktilah kepada Allah SWT dan jagalah setiap gerak geri dan tutur kata. Setiap tindakan yang dilakukan dan setiap perkataan yang diucapkan pasti akan dicatat oleh malaikat. Sesungguhnya setiap manusia akan diserahkan buku amalan masing-masing pada hari Akhirat nanti, dan ketika itu setiap yang tercatat dalam buku amalan tidak dapat diubah dan tak dapat dipinda lagi. Mudah-mudahan dengan peringatan ini, kita akan menjadi hamba Allah yang mendapat rahmat serta keampunan-Nya dan dimasukkan ke dalam syurga bersama kekasih kita Nabi Muhammad SAW.

Marilah juga kita memperbanyak ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

٥٦ إِنَّ اللَّهَ وَمَلَكِيهِ كَتَهُ، يُصَلُّونَ عَلَى النَّبِيِّ يَتَأْمِهَا الَّذِينَ أَمْنُوا صَلَوْا عَلَيْهِ وَسَلَّمُوا تَسْلِيمًا

اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ، إِنَّكَ حَمِيدٌ مَحِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ،

الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ ادْفِعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرُفُهُ غَيْرُكَ.

اللَّهُمَّ إِنَّا نَعُوذُ بِكَ مِنَ الْبَرَصِ وَاجْتُنُونِ وَاجْدَامِ وَمِنْ سَيِّئِ الْأَسْقَامِ.

اللَّهُمَّ اشْفِ مَرْضَانَا وَارْحَمْ مَوْتَانَا، وَالْطُّفْ بِنَا فِيمَا نَزَّلَ بِنَا.

اللَّهُمَّ احْفَظْ مَوْلَانَا الْوَاثِقَ بِاللَّهِ السُّلْطَانَ مِيزَانَ زَيْنَ الْعَابِدِينَ، إِبْنَ

الْمَرْحُومِ السُّلْطَانِ مُحَمَّدِ الْمُكْتَفِيِ بِاللَّهِ شَاهَ، وَأَنْزِلِ الرَّحْمَةَ عَلَيْهِ وَعَلَى

السُّلْطَانَةِ نُورَ زَاهِرَةَ، سُلْطَانَةِ تَرَغْكَانُو.

وَاحْفَظْ أُولَادَهُ وَأَهْلَهُ وَرَاعِيَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا  
وَالآخِرَةِ، بِرَحْمَتِكَ يَا أَرْحَمَ الرَّاحِمِينَ.

اللَّهُمَّ احْفَظْ وَلِيَ الْعَهْدِ تَغْكُو مُحَمَّدَ إِسْمَاعِيلَ ابْنَ الْوَاثِقِ بِاللَّهِ السُّلْطَانِ  
مِيزَانِ زَيْنِ الْعَابِدِيْنَ.

اللَّهُمَّ أَعِزَّ الْإِسْلَامَ وَالْمُسْلِمِينَ، وَأَذْلَّ الْمُعْتَدِيْنَ الظَّالِمِيْنَ، وَدَمِرْ  
أَعْدَائِكَ أَعْدَاءَ الدِّيْنِ، وَانْصُرْنَا عَلَيْهِمْ يَا رَبَّ الْعَالَمِيْنَ.

اللَّهُمَّ انْصُرْ إِخْوَانَنَا الْمُسْلِمِينَ وَالْمُجَاهِدِيْنَ فِي فَلَسْطِيْنِ وَفِي كُلِّ  
مَكَانٍ.

Ya Allah,

Teguhkanlah Iman kami dalam menempuh segala mehnah dan ujianMu, Kekalkanlah keamanan, keselamatan dan kesejahteraan kepada negara kami Malaysia dan negeri kami Terengganu Darul Iman, Jadikan negeri kami ini negeri yang aman. Jauhi negeri kami daripada sebarang musibah, perpecahan dan huru hara.

**Ya Allah,**

Cemerlangkanlah pendidikan anak-anak kami, Tambahkanlah ilmu yang bermanfaat kepada mereka, suburkanlah jiwa mereka dengan akhlak yang mulia dan terpuji, Jadikanlah anak-anak kami pemimpin dalam kalangan orang yang bertakwa.

**Ya Allah,**

Anugerahilah keberkatan kepada para pembayar zakat dan pewakaf MAIDAM. Semoga Allah SWT mengurniakan ganjaran ke atas apa yang diberikan dan memberi keberkatan ke atas harta yang berbaki.

**Ya Allah,**

Anugerahkan pertolongan dan bantuanMu untuk saudara kami di palestin. Berikanlah ketabahan dan kekuatan kepada mereka dalam menghadapi kekejaman rejim zionis. Peliharakanlah bumi baitul maqdis dan seluruh saudara kami disana.

Amiin amiiin Ya Rabbal alamin.

رَبَّنَا آتَنَا فِي الدُّنْيَا حَسَنَةً وَفِي الْآخِرَةِ حَسَنَةً وَقَنَا عَذَابَ النَّارِ.  
وَصَلَّى اللَّهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.  
وَاحْمَدُ اللَّهِ رَبِّ الْعَالَمِينَ.

عِبَادَ اللَّهِ!

إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَاتِ وَيَنْهَا عَنِ الْفَحْشَاءِ  
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ  
فَادْكُرُوا اللَّهَ الْعَظِيمَ يَذْكُرُكُمْ، وَاشْكُرُوهُ عَلَى نِعَمِهِ يَزِدُّكُمْ،  
وَلَذِكْرُ اللَّهِ أَكْبَرُ، وَاللَّهُ يَعْلَمُ مَا تَصْنَعُونَ.  
قُومُوا إِلَى صَلَاتِكُمْ، يَرْحَمُكُمُ اللَّهُ.